



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU POLITIČKE STRANKE **POKRET MOST 21**

Broj: 03-07-6-812/19  
Sarajevo, 03.06.2020. godine

## S A D R Ž A J

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1 NALAZI .....	5
5.2 PREPORUKE .....	7

## MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja političke stranke POKRET MOST 21 za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2018. godinu, utvrđeno je da je POKRET MOST 21 prekršio odredbe člana 8. stav (4), člana 11. stav (1) i člana 12. stav (1) i (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja političke stranke POKRET MOST 21 za 2018.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja političke stranke POKRET MOST 21 se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	40,00	0,68
2.	Prilozi fizičkih lica ( 3-a )	3.607,00	61,29
3.	Prilozi pravnih lica ( 3-b )	400,00	6,80
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>4.047,00</b>	<b>68,77</b>
<b>II</b>	<b>Ostali prihodi i drugo</b>	<b>1.838,00</b>	<b>31,23</b>
	<b>Izvori finansiranja (I+II)</b>	<b>5.885,00</b>	<b>100,00</b>

U godišnjem finansijskom izvještaju politička stranka je iskazala rashode u ukupnom iznosu od 4.176,00 KM.

## 2. PREDSTAVLJANJE POLITIČKE STRANKE

Naziv političke stranke je POKRET MOST 21. Skraćeni naziv stranke je MOST 21.

POKRET MOST 21 je registrovan kod Općinskog suda u Sarajevu, Rješenjem broj: 065-0-F1-17-000013 od 29.09.2017. godine.

Sjedište političke stranke je u Sarajevu, ulica Tekija broj 6<sup>1</sup>.

Lice ovlašteno za zastupanje stranke je Amir Reko, predsjednik.

Lice ovlašteno za finansijske izvještaje za 2018. godinu je Hasna Ljubović.

Prema podacima iz godišnjeg finansijskog izvještaja za 2018. godinu, POKRET MOST 21 nema niže nivoe organizovanja.

<sup>1</sup> Predsjednik stranke je 20.01.2020. godine Centralnoj izbornoj komisiji BiH dostavio akt, od 24.12.2019. godine, u kome moli da se se sva pošta za POKRET MOST 21 dostavlja na adresu Tina Ujevića 17/I, jer stranka ne koristi poslovni prostor na adresi Tekija 6, na kojoj je u sudskom registru upisano njeno sjedište.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj političke stranke POKRET MOST 21 za 2018. godinu.

**Cilj pregleda i kontrole** je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja političke stranke POKRET MOST 21 obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i ostale prihode.

### 4. PRETHODNE KONTROLE I REVIZIJE

Služba za reviziju je izvršila pregled finansijskog izvještaja političke stranke POKRET MOST 21 za 2017. godinu, nakon kojeg je izdat izvještaj o pregledu sa mišljenjem revizora i nalazom da nije zapaženo ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

### 5. NALAZI I PREPORUKE

#### 5.1 NALAZI

**a) Pregledom godišnjeg finansijskog izvještaja utvrđeno je da je POKRET MOST 21 prekršio odredbe člana 8. stav (4) Zakona o finansiranju političkih stranaka.**

Stranka je primila dva priloga od pravnog lica Bahen-Gradnja d.o.o. Sarajevo u ukupnom iznosu od 750,00 KM, koje je imalo sklopljene ugovore o javnim nabavkama sa Općinom Novi Grad Sarajevo<sup>2</sup>.

Navedene priloge pravno lice je na transakcijski račun političke stranke uplatilo 18. 01.2018. godine u iznosu od 400,00 KM i 24.05.2018. godine u iznosu od 350,00 KM.

Uvidom u akt Općine Novi Grad Sarajevo, broj: 02/09-11-727/20 od 04.05.2020. godine utvrđeno je da sa pravnim licem Bahen-Gradnja d.o.o. Sarajevo Općina u 2018. godini imala sklopljene ugovore o javnim nabavkama radova na objektima kolektivnog stanovanja, u vrijednosti od 219.140,48 KM.

**b) Politička stranka je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.**

Pregledom godišnjeg finansijskog izvještaja, finansijske dokumentacije koju je politička stranka dostavila na zahtjev Centralne izborne komisije BiH, te dokaza iz drugih izvora utvrđeno je da su evidencije o prihodima, obavezama i novčanim tokovima netačne, da

---

<sup>2</sup> Privatna preduzeća koja su sa organima izvršne vlasti na svim nivoima u BiH sklopila ugovor o javnoj nabavci usluga, ugovor o javnoj nabavci robe ili ugovor o javnoj nabavci radova u skladu sa propisima o javnim nabavkama u BiH ne mogu finansijski pomagati političke partije ako vrijednost ugovora u jednoj kalendarskoj godini prelazi iznos od 10.000,00 KM.

godišnji finansijski izvještaj politička stranka nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik) i isti nije podnijela u zakonom propisanom roku.

(1) Godišnji finansijski izvještaj za 2018. godinu stranka je podnijela 24.12.2019. godine iako je, u skladu sa odredbama člana 12. stav (4) Zakona o finansiranju političkih stranaka, bila obavezna izvještaj podnijeti do 31.03.2019. godine.

(2) Stranka u finansijskom izvještaju nije prijavila jedan transakcijski račun, dok je za transakcijski račun, koji je prijavila u izvještaju iskazala pogrešan broj računa i pogrešan promet, čime je prekršila odredbe člana 11. Pravilnika.

- Putem računa koji je prijavila u izvještaju, kao transakcijski račun kod Sberbanke BH d.d. Sarajevo, broj: 1401011200541194, stranka je iskazala uplate sredstava u iznosu od 5.885,00 KM, isplate u iznosu od 4.175,00 KM i saldo na krajnji dan izvještajnog perioda u iznosu od 1.710,00 KM.

- Uvidom u izvode sa deviznog računa kod Sberbanke BH d.d. Sarajevo, broj: 140-101-12005411-94, utvrđeno je da je stranka imala uplate na račun u EUR, preračunate u KM valutu, u iznosu od 1.293,24 KM i isplate sredstva u iznosu od 1.041,06 KM, te saldo sredstava u iznosu od 252,18 KM.

- Uvidom u izvode sa transakcijskog računa kod Sberbanke BH d.d. Sarajevo, broj: 140-101-11300063-83, utvrđen je promet ulaza i promet izlaza novčanih sredstava u iznosu od 3.515,15 KM.

- U poslovnim knjigama stranka je evidentirala promet izlaza sa transakcijskog računa u iznosu manjem za 15,94 KM od ostvarnog, te raspoloživa sredstva u istom iznosu, iako je evidentirano stanje računa na poslednji dan izvještajnog perioda na izvodu banke bilo 0,00.

(3) Politička stranka je u finansijskom izvještaju prijavila ukupan prihod u iznosu od 5.885,00 KM, od čega su prilozi fizičkih lica u iznosu od 3.607,00 KM, prilozi pravnih lica 400,00 KM, članarine 40,00 KM i ostali prihodi u iznosu od 1.838,00 KM.

- Uvidom u poslovne knjige i finansijsku dokumentaciju, utvrđeno je da je politička stranka ostvarila prihod u iznosu od 2.780,20 KM i to: priloge fizičkih lica u iznosu od 1.990,20 KM, priloge pravnog lica u iznosu od 750,00 KM i članarinu u iznosu od 40,00 KM, dok ostalih prihoda nije bilo.

- Stranka je u finansijskom izvještaju, suprotno odredbama iz člana 14. i člana 15. Pravilnika, kao ostali prihod iskazala novčane priloge dva fizička lica iz inostranstva: prilog Vuković Nasera u iznosu od 192,07 KM i Pašića u iznosu od 48,90 KM, priloge dva fizička lica u zemlji: prilog Hasne Ljubović u iznosu od 197,00 KM i prilog Ljiljane Prolić u iznosu od 500,00 KM i prilog pravnog lica Bahen-Gradnja d.o.o. Sarajevo u iznosu od 350,00 KM. Prilog navedenog pravnog lica, stranka je i u poslovnim knjigama evidentirala kao ostali prihod, što nije u skladu sa računovodstvenim propisima.

- Novčane pozajmice predsjednika stranke, u iznosu od 3.105,00 KM, politička stranka je u poslovnim knjigama i finansijskom izvještaju, suprotno odredbama člana 11. i člana 12. stav (1) i (4) Zakona o finansiranju političkih stranaka i suprotno računovodstvenim propisima iskazala kao prihod, odnosno prilog u iznosu od 2.555,00 KM i ostali prihod u iznosu od 550,00 KM.

Predsjednik stranke uplatio je u blagajnu stranke pozajmicu u iznosu od 2.500,00 KM, na osnovu Ugovora o kratkoročnom zajmu koji je zaključen 05.01.2018. godine. Takođe,

predsjednik stranke je 13.04.2018. godine na transakcijski račun stranke uplatio pozajmicu stranci u iznosu od 550,00 KM i 16.04. 2018. godine pozajmicu u iznosu od 55,00 KM.

(4) Politička stranka je u finansijskom izvještaju, suprotno odredbama člana 24. Pravilnika, prijavila pogrešno stanje obaveza na dan 31.12.2018. godine. U poslovnim knjigama stranke nisu iskazane obaveze političke stranke, iako su one, prema dokumentaciji koju je dostavila politička stranka utvrđene u iznosu od 3.259,16 KM.

- U poslovnim knjigama stranka nije iskazala nikakve obaveze, dok je u finansijskom izvještaju prijavila obaveze po osnovu pozajmica od Amira Reke, u iznosu od 1.878,00 KM. Za iste je navela da su realizovane 31.12.2018. godine, a rok vraćanja je 31.12.2019. godine.

Uvidom u finansijsku dokumentaciju, odnosno ugovor o pozajmici i izvode sa transakcijskog računa, utvrđene su obaveze stranke po osnovu pozajmica od Amira Reke, u iznosu od 3.105,00 KM.

- Na izvodima sa transakcijskog računa kod Sberbank BH d.d. Sarajevo evidentirane su obaveze stranke u iznosu od 154,16 KM po osnovu neizmirene bankovne provizije.

## 5.2 PREPORUKE

*Preporučuje se političkoj stranci POKRET MOST 21 da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da se ne finansira iz izvora, koji su zabranjeni političkim strankama,*
- *da poslovne knjige vodi u skladu sa računovodstvenim propisima,*
- *da uspostavi potpune i tačne evidencije o novčanim tokovima, prihodima i obavezama,*
- *da finansijske izvještaje popunjava i podnosi u skladu sa zakonom i podzakonskim aktima Centralne izborne komisije BiH i*
- *da izvještaje podnosu u zakonom propisanom roku.*

## KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić